

საჯარო სამართლის იურიდიული პირი – საჯარო რეესტრის ეროვნული სააგენტო

სატენდერო დოკუმენტაცია
კომპიუტერული და საოფისე მოწყობილობების და
აპარატურის შეკეთების მომსახურების შესყიდვა
გამარტივებული ელექტრონული ტენდერი

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის და სახელმწიფო შესყიდვების სააგენტოს თავმჯდომარის 2011 წლის 7 მაისის №9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.

ქ. თბილისი
აგვისტო 2012 წელი

სატენდერო დოკუმენტაცია

საძიებელი

1. ინსტრუქტაჟი გამარტივებულ ელექტრონულ ტენდერში მონაწილეობის მისაღებად ---- 3-4

2. შესყიდვის ობიექტის დასახელება, აღწერილობა, მოცულობა, მიწოდების ვადა და ადგილი, სატენდერო წინადადების ფასის დაანგარიშების წესი, ანგარიშსწორების პირობები ----- 5

3. პრეტენდენტის მიერ წარმოსადგენი ტექნიკური დოკუმენტაცია ----- 5-6

4. დამატებითი ინფორმაცია ----- 6

დანართი №1 შესასყიდი მომსახურების ფასთა ცხრილის ფორმა ----- 7-9

დანართი №2 სახელმწიფო შესყიდვის შესახებ ხელშეკრულების პროექტი ----- 10-14

დანართი №3 - აფიდავიტი (საილუსტრაციო ფორმა) ----- 15

1. ინსტრუქტაჟი გამარტივებულ ელექტრონულ ტენდერში მონაწილეობის მისაღებად

გამარტივებული ელექტრონული შესყიდვა, როგორც თქვენთვის ცნობილია, ტარდება სახელმწიფო შესყიდვების ერთიანი ელექტრონული სისტემის (შემდგომში – სისტემა) მეშვეობით.

გამარტივებული ელექტრონული ტენდერის გამოცხადებისთანავე, თქვენ გეძლევათ საშუალება გაეცნოთ სატენდერო განცხადებას და სატენდერო დოკუმენტაციას. სატენდერო წინადადების მიღება იწყება წინადადების მიღების ვადის დასრულებამდე 2 დღით ადრე.

სატენდერო წინადადების წარდგენისათვის: პირველ რიგში, პრეტენდენტი უნდა დარეგისტრირდეს სისტემაში. შემდეგ, იგი ვალდებულია გაეცნოს აფიდავიტს და დაეთანხმოს მას (გაცნობას და თანხმობას ადასტურებს სისტემის მეშვეობით).

ამის შემდეგ, იგი ვალდებულია ჯერ წარმოადგინოს სატენდერო წინადადების უზრუნველყოფის გარანტია, ხოლო შემდეგ გადაიხადოს ტენდერში მონაწილეობის საფასური. აღნიშნული მოქმედებები განხორციელდება ელექტრონულად, სისტემის მეშვეობით. როგორც სატენდერო წინადადების უზრუნველყოფის გარანტიის, ასევე საფასურის მიმღები არის სახელმწიფო შესყიდვების სააგენტო. თუ სისტემის ავტომატური საშუალებები ტენიკურად არ არის გამართული პრეტენდენტი სატენდერო წინადადების უზრუნველყოფის გარანტიის დედანს და საფასურის გადახდის დამადასტურებელ დოკუმენტს წარუდგენს შემსყიდველ ორგანიზაციას.

სატენდერო წინადადების უზრუნველყოფის გარანტია უნდა იქნას წარმოდგენილი სატენდერო განცხადებაში მითითებული სავარაუდო ღირებულების 1 პროცენტის ოდენობით. ტენდერში მონაწილეობის საფასური შეადგენს 50 ლარს.

სატენდერო წინადადების უზრუნველყოფის გარანტია არ ექვემდებარება დაბრუნებას შემდეგ შემთხვევებში:

ა) თუ პრეტენდენტი უარს აცხადებს მის მიერ წარმოდგენილ სატენდერო წინადადებაზე,

ბ) თუ პრეტენდენტი შეეცვანია მიმწოდებელთა შავ სიაში შესაბამისი შესყიდვის განხორციელების შედეგად

გ) პრეტენდენტი იქნა დისკვალიფიცირებული შემდეგი მიზეზების გამო: პრეტენდენტმა უარი განაცხადა ხელშეკრულების დადებაზე, ხელშეკრულების დადების უფლების მოსაპოვებლად პრეტენდენტმა ჩაიდინა არაკეთილსინდისიერი ქმედება.

მას შემდეგ, რაც ზემოაღნიშნულ ქმედებებს განახორციელებთ, თქვენ უფლება გაქვთ სისტემის მეშვეობით წარადგინოთ სატენდერო წინადადება.

სატენდერო წინადადების წარდგენა გულისხმობს პრეტენდენტის ტექნიკური დოკუმენტაციის ატვირთვას და სატენდერო წინადადების ფასის ელექტრონულად მიეთითებას სისტემაში. პრეტენდენტის ტექნიკურ დოკუმენტაციაში აუცილებლად უნდა შედიოდეს ის დოკუმენტები და იმ ფორმით როგორც არის მოთხოვნილი სატენდერო დოკუმენტაციით პრეტენდენტის ტექნიკური დოკუმენტაციისთვის, ასევე შეიძლება შედიოდეს ნებისმიერი დოკუმენტი რომელსაც პრეტენდენტი ჩათვლის საჭიროდ.

პრეტენდენტი პირველ რიგში ატვირთავს ტექნიკურ დოკუმენტაციას, რაც შესაძლებლობას მისცემს მას ელექტრონულად მიუთითოს ფასი სისტემაში.

სატენდერო წინადადების ფასის მითითებისთანავე თქვენ უფლება გაქვთ მიიღოთ მონაწილეობა ელექტრონულ ვაჭრობაში, რომელიც იყოფა ძირითად დროდ და დამატებით სამ რაუნდად.

ძირითად დროში უფლება გაქვთ ცვალოთ თქვენი ფასი, კლებადობის პრინციპის გათვალისწინებით და შემსყიდველის მიერ განსაზღვრულ ბიჯზე არანაკლები ოდენობით.

დამატებითი რაუნდების თითოეულ რაუნდში პრეტენდენტს უფლება აქვს მხოლოდ ერთხელ შეამციროს წინადადების ფასი, რისთვისაც განესაზღვრება ორი წუთი. დამატებით რაუნდებში მონაწილეობა სავალდებულო არ არის და პრეტენდენტს უფლება აქვს მონაწილეობა არ მიიღოს მათში. ძალაში რჩება მის მიერ დამატებითი რაუნდების დაწყებამდე დაფიქსირებული საბოლოო ფასი.

დამატებით რაუნდებში მონაწილეობის მიღების უფლება აქვთ მხოლოდ იმ პრეტენდენტებს, რომლებმაც ძირითად დროში წარადგინეს წინადადება დადგენილი წესით. პირველ რაუნდში, პრეტენდენტები მათ მიერ ძირითად დროში წარდგენილ ფასებს ცვლიან რიგ-რიგობით. რიგითობა განისაზღვრება ძირითად დროში პრეტენდენტების მიერ წარდგენილი ფასების კლებადობის მიხედვით. პირველ რაუნდში ბოლო შეთავაზებას აკეთებს ძირითად დროში დაფიქსირებული ყველაზე დაბალი ფასის მქონე პრეტენდენტი. ყოველ მომდევნო რაუნდში ფასების წარდგენის რიგითობა განისაზღვრება წინა რაუნდში დაფიქსირებული ფასების მიხედვით, კლებადობის პრინციპით ანუ ყოველ მომდევნო რაუნდში ბოლო შეთავაზებას აკეთებს ის პრეტენდენტი, რომელმაც წინა რაუნდში ყველაზე დაბალი ფასი დააფიქსირა.

მას შემდეგ, რაც დასრულდება დამატებითი რაუნდები, სისტემა პრეტენდენტებს აჯგუფებს სატენდერო წინადადებების ფასების მიხედვით. ამის შემდეგ შემსყიდველი ორგანიზაციის მიერ მოწმდება ყველაზე დაბალი ფასის მქონე პრეტენდენტის მიერ წარმოდგენილი ტექნიკური დოკუმენტაცია.

იმ შემთხვევაში თუ პრეტენდენტის ტექნიკური დოკუმენტაცია არ შეესაბამება სატენდერო განცხადებით და სატენდერო დოკუმენტაციით გათვალისწინებულ მოთხოვნებს, შემსყიდველი ორგანიზაცია ასეთ პრეტენდენტს განუსაზღვრავს სამ დღიან ვადას შეუსაბამობის გასწორებისთვის. დაუშვებელია სატენდერო წინადადების ისეთი დაზუსტება რომელიც არსებითად ცვლის მას ან გავლენას ახდენს წინადადების ფასზე. ამ შემთხვევაში ხდება პრეტენდენტის დისკვალიფიკაცია.

თუ პრეტენდენტის სატენდერო წინადადება შეესაბამება სატენდერო განცხადებისა და სატენდერო დოკუმენტაციის მოთხოვნებს, შესაბამისობის დადგენიდან 5 სამუშაო დღეში მიმწოდებელი ვალდებულია გააფორმოს ხელშეკრულება შემსყიდველ ორგანიზაციასთან.

წინამდებარე სატენდერო დოკუმენტაცია არ ითვალისწინებს საკვალიფიკაციო მონაცემების დამადასტურებელი დოკუმენტების წარმოდგენის მოთხოვნას.

პრეტენდენტის ტექნიკური დოკუმენტაციის სატენდერო დოკუმენტაციასთან არსებითი შეუსაბამობის შემთხვევაში ხდება პრეტენდენტის დისკვალიფიკაცია. ასეთ შემთხვევაში, შემსყიდველი ორგანიზაცია განიხილავს ყველაზე დაბალი ფასის მქონე მომდევნო პრეტენდენტის ტექნიკური დოკუმენტაციის შესაბამისობას სატენდერო განცხადებასა და სატენდერო დოკუმენტაციაში ასახულ მოთხოვნებთან. თუ მომდევნო ყველაზე დაბალი ფასის მქონე პრეტენდენტის წინადადების ფასი ბაზარზე შეცვლილი გარემოებების შედეგად მნიშვნელოვნად აღემატება ამ შესყიდვის ობიექტის საბაზრო ფასს, სატენდერო კომისიას უფლება აქვს შეწყვიტოს ტენდერი.

2 შესყიდვის ობიექტის დასახელება, აღწერილობა, მოცულობა, მიწოდების ვადა, ადგილი, სატენდერო წინადადების ფასის გაანგარიშება, ანგარიშსწორების პირობები
(ხელშეკრულების სავალდებულო პირობები).

2.1. შესყიდვის ობიექტის დასახელება, აღწერილობა, მოცულობა

2.1.1 შესყიდვის ობიექტია კომპიუტერული და საოფისე მოწყობილობების და აპარატურის შეკეთების მომსახურება.

2.1.2 შესაკეთებელი კომპიუტერული და საოფისე მოწყობილობების და აპარატურის დასახელებები, საიდენტიფიკაციო მონაცემები, შესაკეთებელი ნაწილების დასახელებები და მათი რაოდენობები განისაზღვრება ფასთა ცხრილის ფორმით (სატენდერო დოკუმენტაციის დანართი №1).

2.2. შესყიდვის ობიექტის მიწოდების ვადა, ადგილი,

2.2.1 შესყიდვის ობიექტის მიწოდების ვადაა 1 თვე ხელშეკრულების გაფორმებიდან.

2.2.2 შეკეთებული კომპიუტერული და საოფისე მოწყობილობების და აპარატურის მიწოდების ადგილია ქ. თბილისი, წმინდკოლოზის/ნ.ჩხეიძის №2.

2.3. სატენდერო წინადადების ფასის გაანგარიშება

2.3.1. პრეტენდენტის მიერ შეთავაზებული სატენდერო წინადადების ფასი უნდა გაანგარიშებული იყოს ფასთა ცხრილის ფორმის (სატენდერო დოკუმენტაციის დანართი №1) შესაბამისად მიმწოდებლის მიერ შედგენილი და წარმოდგენილი ფასთა ცხრილით.

2.3.2. პრეტენდენტის მიერ შეთავაზებული სატენდერო წინადადების ფასი უნდა ითვალისწინებდეს წინამდებარე სატენდერო დოკუმენტაციით გათვალისწინებული მომსახურების გაწევისათვის საჭირო ყველა ხარჯს და საგადასახადო კოდექსით მიმწოდებლისთვის დადგენილ ყველა გადასახადს.

2.4. ანგარიშსწორების პირობები

ანგარიშსწორება განხორციელდება შესყიდვის ობიექტის სრულად მიწოდების შემდეგ, ერთიანად, შესაბამისი ანგარიშ-ფაქტურის წარმოდგენის შემდეგ, მხარეთა შორის გაფორმებული შესაბამისი მიღება-ჩაბარების აქტის საფუძველზე, მისი გაფორმებიდან 15 სამუშაო დღის ვადაში.

3 პრეტენდენტის მიერ წარმოსადგენი ტექნიკური დოკუმენტაცია

3.1. პრეტენდენტმა სახელმწიფო შესყიდვების ერთიანი ელექტრონული სისტემით უნდა წარმოადგინოს უფლებამოსილი პირის მიერ დადასტურებული, წერილობითი სახის, შემდეგი ინფორმაცია:

ა) ფასთა ცხრილი სატენდერო დოკუმენტაციის დანართი №1-ში მოცემული ფასთა ცხრილის ფორმის შესაბამისად;

ბ) ინფორმაცია ანალოგიური მომსახურების გამოცდილების შესახებ;

გ) მონაცემები პრეტენდენტი მეწარმე სუბიექტის სამართლებრივ-ორგანიზაციული ფორმის, სახელწოდების, იურიდიული მისამართის, საბანკო რეკვიზიტების, საიდენტიფიკაციო კოდის, ხელმძღვანელობის უფლების მქონე პირის შესახებ.

3.2. სახელმწიფო შესყიდვების ერთიან ელექტრონულ სისტემაში ატვირთული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე, დოკუმენტების ან/და ინფორმაციის უცხოურ ენაზე წარდგენის შემთხვევაში, მათ უნდა დაერთოს ნოტარიულად დამოწმებული ქართული თარგმანი.

3.2. სახელმწიფო შესყიდვების ერთიან ელექტრონულ სისტემაში პრეტენდენტის მიერ ატვირთული ტექნიკური დოკუმენტაციის ყველა დოკუმენტი ან/და ინფორმაცია მისი სახელით

ხელმოწერილი იყოს უნდა მეწარმეთა კანონის მე-9 მუხლში განსაზღვრული ხელმძღვანელობის უფლების მქონე პირების მიერ. თუ ხელს აწერს სხვა პირი წარმოდგენილი უნდა იყოს ამ პირის წარმომადგენლობითი უფლებამოსილების დამადასტურებელი სათანადოდ გაფორმებული დოკუმენტი.

- პრეტენდენტს არ აქვს უფლება წარმოადგინოს ალტერნატიული წინადადება.

4. დამატებითი ინფორმაცია

სატენდერო კომისია საკუთარი ინიციატივით ან ტენდერში მონაწილეობის მსურველის წერილობითი თხოვნით აზუსტებს ტენდერთან დაკავშირებულ ინფორმაციას სატენდერო წინადადებების მიღების დაწყებამდე.

ტენდერში მონაწილეობის მსურველთ ტენდერთან დაკავშირებული ინფორმაციის დაზუსტების მოთხოვნის უფლება აქვთ სატენდერო წინადადებების მიღების დაწყებამდე.

სატენდერო დოკუმენტაციასთან დაკავშირებით დამატებითი ინფორმაციის მიღება პრეტენდენტს შეუძლია სატენდერო კომისიის აპარატში, მისამართზე: ქ. თბილისი წმინდა ნიკოლოზის/ნ. ჩხეიძის ქ. №2 (საჯარო რეესტრის ეროვნული სააგენტო). ტელეფონი: 910517 შიდა-7058 საკონტაქტო პირი – შესყიდვების სამსახურის იურისტი - თენგიზ ჯუღელი

ფასთა ცხრილი

№	მოდელი	სერიული	დეფექტი	ღირებულება	მომსახურების გაწევის ვადა
1	პრინტერი SAMSUNG 3050	3N66BAJP305686D	თერმოფირის შეცვლა, პრინტერის გაწმენდა		ხელშეკრულების გაფორმებიდან 1 თვე
2	პრინტერი HP L.J. 1018	CNC1G17360	თერმოფირი და მიმჭერი ლილვი, პრინტერის გაწმენდა, ლაზერის კვანძის გაწმენდა		
3	პრინტერი HP L.J. 2015	CNBW74H3WT	თერმოფირი , პრინტერის გაწმენდა, დოლის კონტაქტის შეკეთება		
4	პრინტერი HP L.J. 1006	VNF3T58041	თერმოფირის შეცვლა, პრინტერის გაწმენდა		
5	პრინტერი HP L.J. 1005	VNC4T14414	თერმოფირის შეცვლა, პრინტერის გაწმენდა		
6	პრინტერი HP L.J. 1018	CNC1G17163	თერმოფირი , პრინტერის გაწმენდა, ლაზერის კვანძის გაწმენდა		
7	პრინტერი HP L.J. 1018	VNC3D07216	თერმოფირი და მიმჭერი ლილვი, პრინტერის გაწმენდა		
8	პრინტერი HP L.J. 2015	CNBW74H45F	ღუმელი შეკეთება, პრინტერის გაწმენდა, ლაზერის კვანძის გაწმენდა		
9	პრინტერი HP L.J. 2015	CNBW74H45Y	პრინტერის გაწმენდა, თერმოფირის შეცვლა, დოლის კონტაქტის შეკეთება		

10	პრინტერი HP L.J. 1006	VNF5208938	თერმოფირის შეცვლა, ქაღალდის წამლები მექანიზმის შეკეთება, პრინტერის გაწმენდა	
11	პრინტერი HP L.J. 1005	VNC6N09898	თერმოფირის შეცვლა, პრინტერის გაწმენდა	
12	პრინტერი HP L.J. 1018	VNC3D84819	თერმოფირი და მიმჭერი ლილვი, პრინტერის გაწმენდა	
13	პრინტერი HP L.J. 1018	CNC1J19206	თერმოფირი და მიმჭერი ლილვი, პრინტერის გაწმენდა	
14	პრინტერი HP L.J. 1020	CNC2B61619	თერმოფირი და მიმჭერი ლილვი, პრინტერის გაწმენდა	
15	პრინტერი HP L.J. 1505	VNF3P08369	თერმოფირი (მეტალის) და მიმჭერი ლილვი, პრინტერის გაწმენდა	
16	პრინტერი HP L.J. 1018	VNC4P21653	თერმოფირი და მიმჭერი ლილვი, პრინტერის გაწმენდა	
17	პრინტერი HP L.J. 1020	CNC2C61832	თერმოფირი და მიმჭერი ლილვი, პრინტერის გაწმენდა	
18	პრინტერი HP L.J. 1020	CNC2B61776	თერმოფირი და მიმჭერი ლილვი, პრინტერის გაწმენდა	
19	პრინტერი HP L.J. 1018	CNC1J19221	თერმოფირი და მიმჭერი ლილვი, პრინტერის გაწმენდა, ლაზერის კვანძის გაწმენდა	
20	პრინტერი HP L.J. 1020	CNCKK79144	თერმოფირი და მიმჭერი ლილვი, პრინტერის გაწმენდა	
21	პრინტერი HP L.J. 1018	CNC1F25348	თერმოფირი და მიმჭერი ლილვი, პრინტერის გაწმენდა	
22	პრინტერი HP L.J. 1006	VNF3K49914	პრინტერის გაწმენდა	
23	პრინტერი HP L.J. 1020	CNC1K07777	თერმოფირი და მიმჭერი ლილვი, პრინტერის გაწმენდა, ლაზერის კვანძის გაწმენდა	
24	პრინტერი HP L.J. 1020	CNCOH53261	თერმოფირი და მიმჭერი ლილვი, პრინტერის გაწმენდა	
25	პრინტერი HP L.J. 1020	CNC1F25308	თერმოფირი და მიმჭერი ლილვი, პრინტერის გაწმენდა	
26	ასლგადამღები TOSHIBA 163	CHE638177	Upper fuser roller -1, Bushings -2, Picker finger -5, springs - 2, Fuser Frame spring-1, დასარეგულირებელია ტონერის მიწოდება და გაწმენდა	
27	ასლგადამღები TOSHIBA 163	CHE638732	დასარეგულირებელია ტონერის მიწოდება და	

			პროგრამის გასწორება გასწორება, გაწმენდა, სკანერის შეკეთება	
28	ასლგადამღები TOSHIBA 166	CAJ768539	Upper fuser roller -1, Bushings -2, Picker finger -5, springs - 2, დასარეგულირებელია ტონერის მიწოდება და მუხტის გასწორება	
29	ასლგადამღები TOSHIBA 163	CHE637882	Upper fuser roller -1, Bushings -2, Picker finger -5, springs - 2, დასარეგულირებელია ტონერის მიწოდება და მუხტის გასწორება	
30	ასლგადამღები TOSHIBA 163	CHE637881	Picker finger -2, springs - 2, დასარეგულირებელია ტონერის მიწოდება და პროგრამის გასწორება გასწორება, გაწმენდა	
31	ნოუთბუქი HP530	CND8092V7C	ადაპტერი	
32	ასლგადამღები აპარატი Canon IR3300	UHL16653	თერმოფირი (4 ცალი)	
33	პლოტერი HP 5500	SG5562400J8P	Carriage belt; 42in Trailing cable kit	
	ჯამი			

სახელმწიფო შესყიდვის შესახებ ხელშეკრულების პროექტი

წინამდებარე ხელშეკრულების პროექტის დებულებები, გარდა სატენდერო დოკუმენტაციის მე-2 თავით გათვალისწინებული აუცილებელი პირობებისა, არ არის სავალდებულო. ისინი ზუსტდება გამარჯვებული პრეტენდენტის სატენდერო წინადადების საფუძველზე. გამარჯვებულ პრეტენდენტთან მოლაპარაკების შედეგად მიღწეული შეთანხმებით შეიძლება დაზუსტდეს წინამდებარე ხელშეკრულების პროექტის დებულებები ისე, რომ არ ეწინააღმდეგებოდეს სატენდერო წინადადებას და სატენდერო დოკუმენტაციის მე-2 თავით გათვალისწინებულ სავალდებულო პირობებს.

ქ.თბილისი

წ.

იმის გათვალისწინებით რომ, კომპიუტერული და საოფისე მოწყობილობების და აპარატურის შეკეთების მომსახურების შესყიდვაზე შემსყიდველი ორგანიზაციის მიერ გამოცხადებულ გამარტივებულ ელექტრონულ ტენდერში გაიმარჯვა ----- სატენდერო წინადადება,

აღნიშნული სატენდერო წინადადების საფუძველზე,

ერთის მხრივ, საჯარო რეესტრის ეროვნული სააგენტო (შემდგომში – შემსყიდველი ორგანიზაცია), წარმოდგენილი მისი შესყიდვების სამსახურის უფროსის ლაშა მერაბიშვილის სახით და მეორეს მხრივ, „-----“ (შემდგომში - მიმწოდებელი), წარმოდგენილი მისი დირექტორის ----- სახით, ვხელმძღვანელობთ რა „სახელმწიფო შესყიდვების შესახებ“ საქართველოს კანონის და საქართველოში მოქმედი სხვა კანონმდებლობით, ვღებთ წინამდებარე ხელშეკრულებას შემდეგზე:

I. ხელშეკრულების საგანი

- 1.1. ხელშეკრულების საგანია მომსახურების (შემდგომში – შესყიდვის ობიექტი) შესყიდვა.
- 1.2. მომსახურების შესყიდვა გულისხმობს მიმწოდებლის მიერ წარმოდგენილი ფასთა ცხრილით (დანართი №1) გათვალისწინებული, კომპიუტერული და საოფისე მოწყობილობების და აპარატურის შეკეთების მომსახურების შესყიდვას.

II. შესყიდვის ობიექტის ღირებულება

შესყიდვის ობიექტის საერთო ღირებულება განისაზღვრება მიმწოდებლის მიერ წარმოდგენილი ფასთა შესაბამისად და შეადგენს ----- ლარს, შესყიდვის ობიექტის მიწოდებისათვის საჭირო ყველა ხარჯს და საქართველოს კანონმდებლობით დადგენილ ყველა გადასახადს.

III. შესყიდვის ობიექტის მიწოდების ვადები და ადგილი

- 3.1. შესყიდვის ობიექტის მიწოდების ვადაა ერთი თვე ხელშეკრულების გაფორმებიდან.
- 3.2. შესყიდვის ობიექტის მიწოდების ადგილია ქ. თბილისი, წმ.ნიკოლოზის/ნ.ჩხეიძის №2.

IV. შესყიდვის ობიექტის მიღება-ჩაბარების წესი

შესყიდვის ობიექტი ჩაითვლება მიღებულად მისი ფაქტობრივი მიწოდებისა და შესაბამისი მიღება-ჩაბარების აქტის გაფორმების შემდეგ.

V. ანგარიშსწორების ფორმა, ვადა და ადგილი

5.1. მიმწოდებელთან ანგარიშსწორება განხორციელდება ლარებში, „საჯარო რეესტრის შესახებ“ საქართველოს კანონის საფუძველზე მიღებული შემოსავლებით.

5.2. ანგარიშსწორება განხორციელდება შესყიდვის ობიექტის სრულად მიწოდების შემდეგ, ერთიანად, შესაბამისი ანგარიშ-ფაქტურის წარმოდგენის შემდეგ, მხარეთა შორის გაფორმებული შესაბამისი მიღება-ჩაბარების აქტის საფუძველზე, მისი გაფორმებიდან 15 სამუშაო დღის ვადაში.

5.3. ანაზღაურების ადგილია ქ.თბილისი.

VI. მხარეთა უფლება-მოვალეობანი

6.1. შემსყიდველი ორგანიზაცია და მიმწოდებელი მოქმედებენ საქართველოს კანონმდებლობის სრული დაცვით.

6.2. შემსყიდველი ორგანიზაცია ვალდებულია:

6.2.1. ხელშეკრულებით გათვალისწინებული პირობების შესაბამისად აუნაზღაუროს მიმწოდებელს შესყიდვის ობიექტის ღირებულება;

6.3. შემსყიდველ ორგანიზაციას უფლება აქვს:

6.3.1. განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე.

6.3.2. მოსთხოვოს მიმწოდებელს მიწოდებული შესყიდვის ობიექტის შემოწმების შედეგად გამოვლენილი წუნის აღმოფხვრა.

6.4. მიმწოდებელი ვალდებულია:

6.4.1. მიაწოდოს შემსყიდველ ორგანიზაციას შესყიდვის ობიექტი ხელშეკრულებით გათვალისწინებული პირობების შესაბამისად;

6.4.2. შეტყობინების შემთხვევაში ღრულად აღმოფხვრას მიწოდებული შესყიდვის ობიექტის შემოწმების შედეგად გამოვლენილი წუნი შემსყიდველი ორგანიზაციის მხრიდან რაიმე დამატებითი დანახარჯების გაწევის გარეშე.

6.4.3. შესყიდვის ობიექტის მიწოდებისას აცნობოს შემსყიდველ ორგანიზაციას ყველა განსაკუთრებული გარემოების შესახებ;

6.5. მიმწოდებელს უფლება აქვს:

6.5.1. მოსთხოვოს შემსყიდველ ორგანიზაციას შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად.

VII. ხელშეკრულების ინსპექტირების პირობები

ხელშეკრულების ინსპექტირებას განახორციელებს შემსყიდველი ორგანიზაციის შესაბამისად უფლებამოსილი პირი.

VIII. მხარეთა პასუხისმგებლობა ხელშეკრულების პირობების დარღვევისას

8.1. მხარეები პასუხს აგებენ ერთმანეთის წინაშე მათ მიერ ამ ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის საქართველოს მოქმედი კანონმდებლობის შესაბამისად.

8.2. თუ ხელშეკრულების ერთი მხარე ხელშეკრულებით გათვალისწინებულ ვადაში არ ასრულებს მის მიერ ნაკისრ ვალდებულებას, მეორე მხარე წერილობითი ფორმით უწესებს მას დამატებით ვადას ვალდებულების შესრულებისათვის.

8.3. ხელშეკრულების ერთი მხარის მიერ დამატებით ვადაში ვალდებულების შეუსრულებლობის შემთხვევაში, მეორე მხარეს უფლება აქვს ცალმხრივად ვადაზე შეწყვიტოს ხელშეკრულების მოქმედება.

8.4. ხელშეკრულების მხარეს, მის მიერ წინამდებარე ხელშეკრულებით ნაკისრი ვალდებულების შესრულების ვადის გადაცილების შემთხვევაში, დაეკისრება პირგასამტეხლო

ყოველ ვადაგადაცვილებულ დღეზე შესაბამისი ვადაგადაცვილებული ვალდებულების ღირებულების 0.3 პროცენტის ოდენობით.

8.5. თუ ხელშეკრულების ერთი მხარისთვის დაკისრებული პირგასამტეხლოს ჯამური თანხა გადაჭარბებს ხელშეკრულების ჯამური ღირებულების 3 (სამი) პროცენტს, მეორე მხარეს უფლება აქვს ცალმხრივად შეწყვიტოს ხელშეკრულების მოქმედება.

IX. ფორს-მაჟორული სიტუაციები

9.1. მხარეები პასუხისმგებელნი არ არიან თავიანთ ვალდებულებათა შეუსრულებლობაზე, თუ ის გამოწვეულია ისეთი გარემოებებით, როგორიცაა: საომარი მოქმედებები, წყალდიდობა, ხანძარი, მიწისძვრა, სხვა სტიქიური მოვლენები, აგრეთვე წინასწარ გაუთვალისწინებელი, აუცდენელი, მხარეების ნებისგან დამოუკიდებელი ობიექტური გარემოებები, რომლებიც უშუალო ზემოქმედებას ახდენენ ხელშეკრულების შესრულებაზე.

9.2. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

9.3. თუ ფორს-მაჟორული გარემოებების გამო სახეზეა მხარის მიერ ვალდებულების შესრულების დროებითი შეუძლებლობა, იგი უგზავნის წერილობით შეტყობინებას მეორე მხარეს ასეთი გარემოებების და ვალდებულების შესრულების შეუძლებლობის ხანგრძლივობის შესახებ. თუ მეორე მხარე არ დათანხმდა ვალდებულების შესრულების ვადის გაგრძელებაზე, მხარეებს უფლება აქვთ შეწყვიტოს ხელშეკრულების მოქმედება.

X. ხელშეკრულების პირობების გადასინჯვა

10.1. ხელშეკრულების პირობების შეცვლა დაუშვებელია, თუ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ამ შემთხვევებშიც ხელშეკრულების საერთო ღირებულება შეიძლება გაიზარდოს ხელშეკრულების საერთო ღირებულების 10 პროცენტის ფარგლებში.

10.2. ხელშეკრულებაში ცვლილებების და დამატებების შეტანა შესაძლებელია მხარეთა თანხმობის შემთხვევაში. ნებისმიერი ცვლილება და დამატება, ამ მუხლის 10.1. პუნქტის გათვალისწინებით, ხელშეკრულებაში შეიძლება შეტანილ იქნეს მხოლოდ წერილობითი ფორმით გაფორმებული შეთანხმების სახით, რომელიც ჩაითვლება ხელშეკრულების განუყოფელ ნაწილად.

XI. ხელშეკრულების მოქმედების ვადა

ხელშეკრულება ძალაშია 2012 წლის ----- და მოქმედებს 2012 წლის -----
----- ჩათვლით.

XII. ხელშეკრულების მოქმედების შეწყვეტა

12.1. ხელშეკრულება ავტომატურად წყვეტს მოქმედებას თუ გავიდა ხელშეკრულების მოქმედების ვადა.

12.2. ხელშეკრულება შეიძლება შეწყდეს ერთი მხარის მიერ ცალმხრივად:

12.2.ა. თუ მეორე მხარე, დამატებით ვადაშიც, არ ასრულებს ან არსებითად არღვევს ხელშეკრულებით ნაკისრ ვალდებულებას.

12.2.ბ. სამოქალაქო კოდექსის 398-ე მუხლით გათვალისწინებული გარემოებების დადგომისას, როცა მეორე მხარე უარს ამბობს ხელშეკრულების მისადაგებას შეცვლილ გარემოებებთან, ან შეუძლებელია შეცვლილ გარემოებებთან ხელშეკრულების მისადაგება. სამოქალაქო კოდექსის 398-ე მუხლით გათვალისწინებული გარემოებების გამო ხელშეკრულების შეწყვეტისას შემსყიდველმა ორგანიზაციამ უნდა აუნაზღაუროს მიმწოდებელს აღნიშნულ

გარემოებებამდე წინამდებარე ხელშეკრულების ფარგლებში შემსყიდველი ორგანიზაციისათვის განხორციელებული მიწოდება.

12.2.გ. თუ მის მიერ ხელშეკრულებით გათვალისწინებული ვალდებულებების შესრულება შეუძლებელია ფორს-მაჟორული გარემოებების გამო ან თუ მის მიერ ხელშეკრულებით გათვალისწინებული ვალდებულების შესრულება ფორს-მაჟორული გარემოებების გამო შეუძლებელია დროებით და მეორე მხარე უარს ამბობს ვალდებულების შესრულების ვადის გაგრძელებაზე შესაბამისი ხანგრძლივობით. ფორს-მაჟორული გარემოებების გამო შესყიდვის ობიექტის მიწოდების შეუძლებლობის გამო ხელშეკრულების შეწყვეტისას მიმწოდებელს უნდა აუნაზღაურდეს ფორს-მაჟორული გარემოებების დადგომამდე წინამდებარე ხელშეკრულების ფარგლებში, შემსყიდველი ორგანიზაციისათვის განხორციელებული მიწოდება.

XIII. დავა და მისი გადაწყვეტის წესი

13.1. წამოჭრილი დავა ან აზრთა სხვადასხვაობა შესაძლებელია გადაწყდეს ორივე მხარის ერთობლივი მოლაპარაკების საფუძველზე.

13.2. თუ შემსყიდველი ორგანიზაცია და მიმწოდებელი მოლაპარაკებების დაწყებიდან 15 (თხუთმეტი) დღის განმავლობაში ვერ შეძლებენ შეთანხმების საფუძველზე გადაწყვეტონ დავა, მაშინ ნებისმიერ მხარეს შეუძლია მიმართოს სასამართლოს მოქმედი კანონმდებლობით დადგენილი წესით.

XIV. სხვა პირობები

14.1. ამ ხელშეკრულებით გაუთვალისწინებელი პირობები რეგულირდება საქართველოს მოქმედი კანონმდებლობით.

14.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

14.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

14.4. ხელშეკრულება შედგენილია ქართულ ენაზე ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

***XV. მხარეთა იურიდიული მისამართები და რეკვიზიტები, მხარეების წარმომადგენელთა
ხელმოწერები, ბეჭედი***

შემსყიდველი ორგანიზაცია:

საჯარო რეესტრის ეროვნული სააგენტო

უფლებამოსილი წარმომადგენლის სახელი და გვარი: ლაშა მერაბიშვილი

მისამართი: ქ.თბილისი, წმინდა ნიკოლოზის/ნ. ჩხეიძის ქ.№2

საბანკო რეკვიზიტები: ს.ს. „საქართველოს ბანკის“ ცენტრალური ფილიალი, ა/ა №008609114,
ბ/კ №220101502, ს/კ №202238621

შესყიდვების სამსახურის უფროსი

ლ. მერაბიშვილი

მიმწოდებელი:

„“

უფლებამოსილი წარმომადგენლის სახელი და გვარი:

მისამართი:

საბანკო რეკვიზიტები: სს „ბანკი“, ა/ა №, ბ/კ №ს/კ

აფიდავიტი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავითში მოცემული ინფორმაცია არის ყალბი ან/და ცრუ;

* უფლებამოსილი ვარ პრეტენდენტის მიერ, ხელი მოვწერო ამ აფიდავითს და წარვადგინო ეს სატენდერო წინადადება;

* ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია რომ ტერმინი "კონკურენტი" აფიდავითის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულია კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისგან თავის შეკავება;
- ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
- შესყიდვის ობიექტის ხარისხი, მოცულობა, ტექნიკური პირობები ან მინოლების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯარობის მომენტამდე.

გავეცანი ამ აფიდავითის შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავითი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერი, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავითით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.

